

中國麻瘋病學

俞慎初編著

上海復興中醫出版社
上海千頃堂書局經售



南京中医药大学图书馆版权所有

結膜炎之診斷與治療

眼科最多病症。爲結膜之紅腫。古稱天行赤目。本書爲石原忍氏在日本帝國大學教授室之演講稿。經眼科專家顧宗餘先生註譯。對於結膜炎之原因，類症，診斷，治法等項。有詳細研究。有經驗發揮。以西醫學術爲主。兼採中醫古說。治療方法尤爲美備。時逸人先生序云。足供一般治療眼疾者之參考。洵有出版價值之傑作也。全書一冊。實價五角。郵力外加。

奇經直指

本書爲劉野樵先生著作。內容將衝，任，督，帶，陰維，陽維，陰蹻，陽蹻等。八脈之位置及功用。參合西醫解剖，生理，病理等學說。用科學方法。說明原理。爲研究醫藥者。必須參考之要書。全一巨冊。特價國幣二元。郵力外加。

百病自療叢書

本書爲海上名醫朱振聲先生。臨證經驗所得。及搜集名家學說。編輯而成。如吐血，咳嗽，哮喘，肝氣，癆病，失眠，遺精，淋濁，白帶，血崩，月經各症之原因，症狀，治療，攝生，處方等。治療方法。有詳細說明。有精密指示。有病者，得到自療方法，無病者，可作預防常識。誠宜人手一編也。西裝十二冊。實價三元。郵力外加。

慎初醫師著作告成
題詞為贈

濟世心長

庚辰孟冬

武進謝利恆



曾銀上泚水洞

見垣方

丁福保題



例言

(一) 本書爲編者歷年來研究所得。蒐羅古今中西學說及經驗效方。作有系統之敘述。

(二) 本書內容分緒言。攷證。源流。原因。病理。症狀。診斷。治療。預防。攝生。方劑。特效藥物及附錄等。條分縷晰。瞭如指掌。

(三) 本書所列之方劑。以實效應用爲歸。內外兼備。診療時可按法施治。

(四) 本書爲混合編輯法。不分界限。俾能擇長應用。

(五) 本書蒐集資料無多。俟後再版隨時采入。期臻完善。

(六) 編者學識謬陋。率爾操觚。舛誤之處。在所難免。幸祈博雅之士加以指正。

中國麻瘋病學序

麻瘋一症。古稱癩疾。爲人類患。由來久矣。埃及於五六千年前。已經流行。吾國於東周以前。亦早已見之。自後司馬遷。葛洪。孫思邈。李杲等。均有論列。此外如印度。日本各國亦發見於上古時代。則其源流之遠。傳播之廣。可以概見。而其性質之頑固。凶惡。迥異其他疾病。傳染所及。咸視爲不治之症。終身輾轉。沉淪於苦海而已。故孔子之對於伯牛有斯人斯疾之嘆。印度古代。竟至待以焚死生埋之酷刑。是以患者六親摒棄。道路側目。雖間有賢碩卓見之醫者。爲之收容療治。然終鮮實效。更罔論根本之撲滅矣。迨十六世紀以還。歐洲醫學漸多進步。遂實施隔離治療之法。方能遏止其傳染之源。近百年來歐美各國。無不殫精竭慮。於海島或僻靜之區。設立大規模之隔離麻瘋病院。終能迫此凶頑之痼疾就範歛迹。而有澈底肅清之希望焉。

據最近統計全世界患麻瘋者。其數字之龐大。殊足驚人。吾國流行之區域。尤其以閩粵爲甚。蓋地近熱帶。爲本症流行最適宜之區域。再如華北山東。甘肅等省。麻瘋猖獗之程度。不下於華南。夫以此最酷之疾。在我國其分佈如是之廣。受患者如是之多。值茲醫學昌明。吾人寧可不遵科學之方法。以期病毒之撲滅。廢疾之有養。而希望醫療之奏效。痛苦之減少哉。

考古代醫書。雖有不少關於麻瘋之記載及敘述。如黃帝之內經。葛洪之肘後備急方。可作後世考證。但惜概爲抽象之研討。而不及臨床實驗及藥理治療。是爲缺憾。近有俞君慎初對於癩疾細心研討。搜集中西古今學說。編著中國麻瘋病學一書。取長捨短。極臻完善。以應醫者病家之借鏡。而資參考。其有裨益於吾國整個麻瘋界及劇癩運動。毫無疑義。吾國醫界。對於麻瘋一症。向不重視。至於國人自著專書。以求學術上之研討。尤爲絕無僅有。是則俞君之書。益爲名貴。此書出版。必能喚起吾國醫界同仁之興趣。而繼續研究。爲吾國麻瘋學放一曙光。以與歐美先進國相媲美。則俞君開創之功。更不可泯滅矣。茲當本書發行之始。謹書數語。以誌欽仰。而致鼓勵。是爲序。

民國二十九年十月十六日中華麻瘋救濟會鄔志堅謹識

中國痲瘋病學序

吾國發現本病。始於周之末季。論語載伯牛有疾。孔子有斯人斯疾之嘆。先儒以爲癩。因當時之治法不充。竟至無法挽救。論語爲孔子及門之紀錄。距今二千四五百年。「當西歷紀元前五百餘年。」較耶穌聖書所載。耶穌生存時代發現本病。尙覺提前五百餘年。近人有以病原細菌體。從未有最初發生於中國者。得吾說而攷證之。知本病實以吾國發現爲最早。亦可以自豪矣。本經有癩疾及大痲風。內經有瘍風及大風。周秦時代醫家。能知本病傳染及經過之頑固。已成不可掩之事實。巢氏病原。有白癩及烏癩之稱。後世醫家。悉宗巢氏。此後又有天刑惡癩瘍瘍等。金鑑名爲大痲瘋。沈之問風癩論。又有十四種癩之別。但祇推闡本病經過之轉變而已。西歷一八七四年漢森氏。發現本病桿菌。常存於患者之口涎鼻涕。乳液尿液。潰瘍和組織內。侵入門戶。多由皮膚脫落。及皮膚黏膜之小創傷。以青年時代。最多感染。高年及乳兒。感染之機會較少。往昔歐洲各國。亦曾蔓延。嗣以防範得法。近幾絕迹。我國則以閩粵兩省。流行頗烈。黃河流域傳播略少。

我國古代醫家。敘述本病之誘因。1 色慾當風。2 乘熱脫衣。3 醉臥濕地。4 汗出入水。5 飢餓山行。感山嵐瘴氣。6 勞役奔走。冒風雨露。統觀上述。由於內傷之後。復受外感。體中抗毒之能力不足。故本病菌得以侵襲肆虐。停積腠理。則汗腺閉塞。鬱結不散。在內則生蟲。（卽醃醃本病菌。）在外則生瘡。卽結節潰瘍之類。繼則蔓延筋骨藏腑。如眉毛脫落。（毒在肺）。

面發紫泡。(毒在肝)。脚先痛穿。(毒在腎)。遍身如癬。(毒在皮)。目先損。(毒在心)。總由本病菌毒素侵入血中。蔓延全身之現象。古人妄以五藏分別包括之。又毒素侵及血管。血行發生障礙。故有斑紋及結節之外觀。其有赤白之分者。因有瘀血停滯。與色素沉着之不同。犯於神經。故覺麻痺。侵及毛根。故現脫毛。其他腐爛組織。變象毀形等。皆因直接間接。受毒素之侵襲使然。至於鑑別本病之方法。(1)令病人站立打銅鐵之風爐火旁。及黑暗處。燃酒精燈照之。驗其面色紅者。即是本病。他色則否。(2)手心部搔之。必癢不可忍。按其指甲。紅色歷久不退。皆是本病。(3)令其站立榕樹下。必搔癢不止。此外如能利用細菌學的檢查。則診斷尤為明確。又古人謂本病有五死。(一)皮死。麻木不仁。(二)脉死。血潰成膿。(三)肉死。切割不痛。(四)筋死。手足緩縱。(五)骨死。鼻柱崩壞等是。薛立齋謂。聲啞目盲。尤為難治。宋洞靈謂。黑色不治。此皆於診斷本病預後所得之經驗也。

昔孫思邈。謂嘗治數百人。無一人免於死。可見本病治法之難。現代對於本病。以大楓子油為最實用之良劑。能使病狀減輕。不知中醫治療。久已採用。惜內服外塗。均不能直接撲滅本病桿菌。且其中含有脂酸。服之過久。有障礙消化之副作用。故不若麥克杜氏製成注射劑後。每星期注射肌肉或皮下。奏效較為確實。惟查菲律賓濱朝鮮等痲瘋院治療成績。經十八個月之後。漸次奏效者。有十分之八。尚有衰弱之人。十分之二。仍無轉機。此係血液不能營養肌肉。故橫紋肌之收縮力。亦無形消滅。雖注入殺菌之藥。肌肉無反應作用。故不能利用藥力以殺菌也。愚意宜先補血。俟血液充盈後。再注入大楓子油。或能有效。此外松脂與蛇類。皆為中醫治療本病之

專藥。若能加以嚴格之化學試驗動物試驗證明後。參以臨床實驗之報告。則治療本病。必多收穫。深望醫化學專家。急起研究。爲中醫界放一異彩也。

俞同志慎初。向在福清主辦現代醫藥月刊有年。發揮醫學。頗多心得。余主辦山西醫藥雜誌時。曾通音問。訂爲神交。廿八年冬在滬濱聚首。辱承不棄。時相過從。質疑問難。以求進益。虛心好學。於以益顯。今年春。余辦復興中醫。得其襄助之力至多。熱忱扶助社會事業。洵近今之有心人也。因鑒於痲瘋病傳染之慘酷。懼之者多因無法施治。或不能耐心長守禁忌。以求根治。類多得不良之轉歸。用是搜集各家經驗。輯爲巨著。攷證源流、原因病理、症狀診斷。治療預防、攝生方劑、以及私家傳授之驗方醫藥等。皆本經驗之發揮。足供專門治療之參攷。嘉惠醫林。有足多者。(余於廿年間。出版中國傳染病學。痲瘋亦曾列入。頃於本年再版時。以痲瘋爲慢性傳染病。乃將其割愛。今以俞同志痲瘋專著出版。則余舊著痲瘋病稿。不必急急付印矣。)爰略述昔日之所見。附載於此。以印鴻泥。書成付梓。問敍於余。略述締交之經過。及本書之內容。爲閱者告。並留紀念焉。

中華民國三十年一月江左時逸人氏誌於海上旅次

中國痲瘋病學自序

痲瘋病起於何代。無從稽徵。至周禮始著。迨晉巢元方之病源候論。唐孫思邈之千金要方。迺有專論之文。繼後醫者。雖有述及。大率東鱗西爪。簡略不詳。迄至今日。斯病傳佈益廣。貽害益烈。而國人患者。依據統計。每年增加之數。殊足驚人。其有藉藥石之力。得瘳厥疾者。實屬寥寥。慎初濫竽醫界。深感斯病之流傳。爲民族健康之一大障礙。爰於診務餘暇。攷查斯病之根源。傳佈之狀態。以及療治之效方。撰述是編。名曰中國痲瘋病學。自維才薄。未敢言善。所冀醫林先進。不吝教益。隨時匡正。則幸甚矣。

中華民國二十九年十月俞慎初識於海上

目次

緒言.....	一
麻瘋病之攷證.....	二一七
本經 內經 論語 病源 千金 河間 子和 丹溪 立齋 東臯 景岳 驗方新編.....	八一二
麻瘋病之源流.....	一三
麻瘋病之原因.....	一四一
先天遺傳 共住一處 性交感染.....	一五
麻瘋病之病理.....	一六
斑紋性麻瘋 結癰性麻瘋 神經性麻瘋.....	一八一
麻瘋病之症狀.....	一八
斑紋性麻瘋 結癰性麻瘋 神經性麻瘋 混合性麻瘋.....	一九
麻瘋病之診斷.....	一九

剝色 麻木 驗菌

Baumgarten 氏麻瘋桿菌染色法.....110

麻瘋患者鑑別法.....110

類證鑑別法.....111

麻瘋病之治療.....111

內服 外敷 薰洗 鍼灸 注射 其他

藥劑之忌用與注射後之併發症.....117

併發症與後發症之治療.....119

麻瘋病之預防.....121

麻瘋病之攝生.....123

飲食 空氣 日光 運動 洗澡 性交 通便

千金要方攝生法.....125

麻瘋病之方劑.....125

湯劑：大麻瘋方 麻瘋效方 家秘煎方

酒劑：斬蛇酒 苦參酒

丸劑：麻瘋秘方 楊氏大麻瘋經驗良方 大麻瘋丸

麻瘋效方 潤生丸 天真玉髓丸 家秘丸方 白花蛇丸 白玉蟾蜍遺方 神仙紫苑丸

勝金丸 加味金龍丸

散劑：通天再造散 換肌散

丹劑：萬靈丹 奪命還真丹 回生奪命丹 順氣搜風接命丹 神仙換骨丹

膏劑：蒼耳草膏 楓子膏

麻瘋病之特效藥物……………五二—五六

大楓子 蒼耳子 苦參 雄黃 烏白蛇 複蛇

附錄……………五七

麻瘋病之流行性……………五七—六一

麻瘋之現代治療法……………六二—六六

中國麻瘋病學

緒言

麻瘋病西名 *Leprosy* (拉) *Aussat* (德) 我國古稱大風、癘風、惡風、賊風、天刑、惡疾、癩疾、日本亦名癩病。

本病遍佈全球。近如日、印、遠如歐美均有發現。埃及於五六千年前早已盛行。歐洲北部較多。西印度羣島、墨西哥及菲律賓。成爲地方病。他如非洲、澳洲、太平洋中諸島亦屢見不鮮。吾國南方閩、粵、滇、黔等省。患者尤多。而近代科學進步各國對於本病之預防得法。幾已絕跡矣。

本病患者在世界上究有多少。言人人殊。依麻瘋專家羅傑斯氏 *Leonard Rogers* 之統計。約有二百萬人左右。(按據最近統計。約爲五百萬人。)而我國之患麻瘋者。幾佔百萬以上。誠屬驚人。

本病爲人類最頑固之傳染病。世之患者。多無治療之恆心。遂認爲不可救藥。而犧牲終身幸福。殊堪浩歎。而病者苟能耐心治療。均有痊愈之可能。誠如海澄思氏 *Major A. P. Hitchen* 之言曰：「凡患癩者。倘能及時診治。百分中有五十至七十五分之希望。」則本病之療愈。實非難事。

麻瘋病之攷證

本經

(一) 大風——見天雄巴戟天姑活。

(二) 大風在皮膚中。如麻豆苦癢。——見枳實。

(三) 大風癩疾——見黃耆。

(四) 惡風——見木蘭烏頭鉤吻。

(五) 賊風——見薇銜代赭白芨。

(六) 賊風在皮膚中。淫淫痛痒——見躑躅。

(七) 惡疾——見梅實。

內經

(一) 風寒客於脈而不去。名曰癘風。癘風者。營衛熱。其氣不清。故使鼻柱壞。而色敗。皮膚潰瘍。

(二) 風氣與太陽俱入。行諸脈俞。散之分肉之間。與衛氣相干。其道不利。故肌肉臃腫而有瘍。衛氣有所凝而不行。故其肉而不仁。

(三) 病大風。骨節重。鬚眉墮。名曰大風。又曰脈風成爲癘。

論語

(一) 伯牛有疾。先儒以爲癘。

病源

(一) 凡癘病。皆是惡風及觸犯忌害得之。初覺皮膚不仁。或淫淫苦癢如虫行。或眼前見物如垂絲。或隱軫軋赤黑。此皆爲疾。

(二) 如針錐所刺。名曰刺風。

(三) 若虫乘風走皮肉。猶若外有蟲。復有食人皮肉。徹外從頭面卽起匏肉。如桃核小棗。從頭面名曰順風。

(四) 從兩脚起者。名曰逆風。

(五) 風起之由。皆是冷熱交通。流於五臟。徹入骨中。虛風因濕。和合蟲生。便卽作患。……蟲生日